

**FITARAINANA**

**Tandindonin-doza ny ao amin'ny ministeran'ny fahasalamana**

Mpiasan'ny fahasalamana maromaro no nanao fitarainana tamin'ny gazety, mahakasika olana ao amin'ny ministeran'ny fahasalamam-bahoaka eto amintsika:

"Ny firenena iray manontolo ve no tandindonin-doza, sa ny ministeran'ny fahasalamam-bahoaka ihany? Ny fijerinay azy, tantely afa-drakotra i Madagasiakara satria samy manao izay danin'ny kibony ny tompon'andraikitra. Vongam-bolamena niova tao amin'ny ministeran'ny harena ankibon'ny tany. Ny zava-misy ato amin'ny ministeran'ny fahasalamana no tiako lazaina. Caravane no ifan-tohan'ny ministera, mba tsy hitenena hoe werawera. Ankoatr'izay miverina any amin'ny zavamisy tamin'ny taona 1990 isika.

-CHU Befelatanana Unité Scanner: facilité de paiement no fifanarahana natao teo amin'ny tompon'andraikitra, sy ny fournisseur tamin'ny fahazoana ny appareil scanner tao Befelatanana. Ankehitriny mirona any amin'ny fanomezana olon-tso-tray ny fitantanana ny ministera. Inona no antony tsy fahaiza-mitantana ve sa fanaovana tantely afa-drakotra?

-Fanendrena tompon'andraikitra isan'ambaraton-



*Ny ministeran'ny fahasalamana etsy Ambohidahy.*

ga: tonga amin'ny fotoana ilana azy ny fitenenan'Andriamatoa Paolo President ny Syndicat des Administrateurs Civils sahy niteny hoe: omeo ny teknisiana ny andraikitra. Eto Madagasikara voahaja ny hoe Administrateur Civil no Chef de District, ato amin'ny Ministeran'ny fahasalamam-bahoaka tsy narahina ny hoe spécialiste en santé publique ny DRS na Medecin Inspecteur. Vokatry'izay variana amin'ny COVID sy caravane ny Ministera. Caravane izay olom-bitsy no misitraka. Nahazo camion voatokana hanaovana tolotra manakaiky vahoaka ny faritra tsirairay avy, fa tsy nampiasaina mihintsy izany. Mifangaro ny andraikitra satria lasa structure operationnelle ny ministere izay structure strategique na planification.

-Fanomezana fitaovana (fandriana sy kidoro): na-

hitana marika CTC ny fandriana nozaraina tany amin'ny CSB. Novidian'ny Ministeran'ny fahasalamam-bahoaka ve sa ilay nampiasaina tany amin'ny CTC?

-Fandaniana volavolandalàna mahakasika ny fanenjahana ny ben'ny Tanàna: fifandrifiana ve sa iniana nolaniana, mba hisian'ny tsy maty manota? Nafindra tany amin'ny kaominina ny fitantanana ny volan'ny CSB nanomboka ny taona 2020. 2 000 000 Ar eo ho eo ny an'ny CSB2 ary 1 600 000 Ar eo ho eo ny an'ny CSB1. Mitaraina ireo mpiasan'ny fahasalamana eny ifotony fa manao izay tiana atao ny ben'ny Tanàna ny mahakasika ny fandanihana io vola io.

-Famindrana toerana ny mpiasa tsy ara-drainy: niezaka ny Minisitra Zely hamindra ireo mpiasa, izay nolazain'ny tompon'

andraikitra (Médecin Inspecteur na Directeur Regional), izay tsy voaporofa akory, technicien de laboratoire nalefa hampihodina ny appareil fitiliana ny COVID tany DIEGO, no namoaka tamin'ny tambazotra sosialy ny zava-misy niainany tany dia nafindra any ambanivohitra faritra Melaky. Ny tsara ihany ve no tokony havoaka? Fahotana ve ny mampiseho ny marina? Tsy io ihany fa betsaka tsy ho voatanisa ny tsindry hazo lena mahazo ny mpiasan'ny fahasalamana.

-Fandraisana mpiasampanjakana: tsy tonga any amin'ny Distrika ny filazana (avis d'appel d'offre), ankoatr'izay ny fanomezana lanja ny endrika kolikoly tamin'ny fandraisana personnels paramédicaux farany teo. Kisariary ny liste nalaina tany amin'ny SDSP na DRSP sy ny hopitaly, satria tsy manome ny ancieneté de benevolat izany. Manginy fotsiny ny filazana fa tsy assidu na incompetent nolazain'ny Medecin Inspecteur na DRS. Contrat no iasan'ny benevole ary ny mahagaga ny tsy hana-pahan'ny Medecin Inspecteur na DRS ny contrat, rehefa nahatsapa ny fisian'ny non assidu na incompetent, nefa hatramin'izao mbola miasa foana."

*Nangonin'i Stefa*

25 Light live parking

**Fararanon-danonana teny amin'ny CCI Ivato ny 25 jona teo**

Azo ambara ho lanonana marolafy nanana endrika feno no niaraha-nigoka sy nanjifa nanomboka, ny misandratr'andron'ny (10 ora maraina) 25 jona, tetsy amin'ny CCI Ivato. Tao anatin'ny hetsika goavana « 25 Light live parking »

Ankoatry ny rindran-kira niarahana tamin'ireo mpanakanto fanta-daza nahitana an'i Wadda & Yoongs ary Mad Max teny an-toerana. Nisy ihany koa ny fifaninana dihy ho an'ny sokajin-taona rehetra sy fanaovana dihy miaraka sady mirindra « Flash mob ». Nanafana sy nanentana i Didi man ary niara-dalana tamin'izany ihany koa ny fikosehana kapila nifandrimbonan'ny Dj Danny sy Dj Midjay. Nampiavaka ny lanonana ny fandefasana afomanga ary ny fampiasana ireo jiro sy hazavana ary fanamafisam-peo hiaka faran'ny teknolojia, nandrakofana sy nandravahana ny alin'ny 25 Jona teny amin'ny CCI Ivato, ho fahafinaretan'ny maso sy ny sofina. Nisy ny sakafo sy zavapisotro saha ny rehetra teny an-toerana. Ny hanolotra lanonana feno ho an'ny sokajin-taona rehetra anatin'ny toerana iray. Io rahateo no tanjona ho an'ny « Agrim event » mpiketrika ny « 25 Light live parking ». Hentitra ny fitandroana ny filaminana teny an-toerana. Tsy diso anjara ihany koa ireo ho tsara vintana tanatin'ny lalao fisarihana « Tombola », izay nahazoana lelavola anaty valopy tsy am-poizina.

*Lalaso Razafindrakoto*

Fitsarana miaramila

**Hanomboka ny 4 jolay ka hatramin'ny 31 oktobra**

Hanomboka ny 4 Jolay izao, ka hatramin'ny 31 Oktobra 2022, no tetiandro hanatanterahina ny fitsarana miaramila manerana an'i Madagasikara. Hisantatra izany ny eto Antananarivo renivohitra, izay hanomboka ny alatsinainy 4 jolay izao, ka haharitra iray volana ary hatao eny amin'ny Kianjan'i Betongolo.

Ny tsara ho fantatra amin'izany: -Ny Tanora lany sy vavy, 19 hatramin'ny 31 taona no miatrika izany. -Ny karapanondrom-pirenena ihany no entina. -Anjaran'ny tsirairay no mitahiry ny karatra maitsony mba tsy ho very, satria tsy misy "duplicata" azo omena.

*Stefa*

Depiote'n'i Belo Tsiribihina

**Atakalony ny tombontsoany irery ny tombontsoambahoaka**

Nandritry ny fihaonan'ny solombavambahoaka sy ny mpikambana ny Governemanta ny talata lasa teo, nivoitra nandritra ny fandraisan'ny solombavambahoaka voafidy tao amin'ny distrikan'i Belo ambonin'i Tsiribihina ny tsy fanekenany ny fanamboaran'ny olona tsara sitra-po sy ny governoran'ny faritra Menabe ny lalana, izay mampitohy ny distrikan'i Morondava sy Belo ambonin'i Tsiribihina ity. Raha tsiahivina dia misy mpandraharaha iray izay mpanangom-bokatra amin'ny faritra iny nanolotena iandraikitra ny fanamboarana iny lalana iny, ka nanao antso tamin'ireo mpandraharaha sy tompon'andraikitra isankarazany ary koa ireo olon-tsootra tsara sitra-po. Isan'ny nantsoina ny solombavambahoaka roa izay voafidy tao amin'ny distrika roa voakasik'ity lalana ity dia sahy nilaza mi-

hintsy ny avy ao amin'ny distrikan'i Belo Tsiribihina, fa tsy mahavita ary tsy handray anjara na dia ariary akory aza raha nankatoa sy nanome alalana sy fitaovana kosa ny avy ao amin'ny faritra.

Raha ny antony mahatonga ity solombavambahoaka ity hanakana izao asa izao moa dia satria efa ity solombavambahoaka ity no nahazo ny tsena hanamboatra iny lalana iny. Noho ny tombontsoany manokana iha-ny koa satria izy dia mpandraharaha ka raha tsara ny lalana dia maro ny mpandraharaha hisehatra any amin'ny faritra iny, ka manelingelina azy eo koa ny antony politika, satria efa tsy manom-pinoana ny ho lany intsony ingifidiana manaraka, hany ka izay olona miezaka manasoa sy mandamina ny fiaraha-monina ao amin'ny

distrikan'i Belo Tsiribihina, ka mahatonga azy manenjika sy manakantsakana izay olona hatahorany hilatsaka hofidiana ao amin'ny faritra iny. Tsara ho marihina anefa fa tsy manana firehana polotika mihitsy io mpandraharaha izay mitarika ny fanamboaran-dalana io, fa mitondra ny tambaran'andraikitra sy miezaka mikolo izany lalana izany, mba tsy ho sahirana izy sy ny mponina mpiasa ny lalana.

Ny governoran'ny fairtra Menabe dia milaza mazava fa na iza faly na iza tsy faly, tsy maintsy mandeha ny fikojakojana ny lalana ialana amin'ny fahasahiranan'ny vahoaka ary tsara ho marihina fa tsy fanamboarana no misy hoy izy fa fikojakojana.

*Rajepa*

Tranga mampalahelo sy mahamenatra

**Dadatoa tsy vanona nanolana ny zana-drahalahiny 7 taona**

Tranga mampalahelo sy mahamenatra no nitranga tany Ambohitompoina distrikan'Antanifotsy faritra Vakinankaratra. Dadatoa tsy vanona no tratra nanolana ny zana-drahalahiny vao 7 taona monja. Ny rahalahin-drainy ihany no nahavita nanolana zaza 7 taona, tao amin'ny

tanàna iray ao anatin'ny Kaominina Ambohitompoina distrika Antanifotsy no nitranga izany ny talata teo. Nitony ny ray amandrenin'ity zaza ity vao nahafantatra ny zavany. Ny fizahan'ny dokotera no nahalalana, fa efa simba tanteraka ilay zaza ary tsy indray mandeha

fotsiny ihany no naolan'ny dadatoany. Nokarohina ary nosamborin'ny Zandarimaria ity voatondro ho nahavanon-doza. Tsy maintsy atao fanadihadiana ary atolotra fitsarana mba hizakany ny sazy mendrika azy.

*Niaina*

Delestazy

**Tezitra amin'ny Jirama koa ny mpanakanto Mr Sayda**

Noho ny delestazin'ny Jirama miverina indray tao aorian'ny fety, tezitra amin'ity orinasanjy sy rano ny mpanakanto Mr Sayda, satria niharan'ny fahatapahan-jiro maharitra izy sy ny ankohonany omaly. Rah any nambaran'i Mr Sayda: "eny tokoa ry Jirama tsy mba niteny aho hatrizay satria tsapako hoe maro ny olana sedrainareo ... Anisan'ireo olona misedra délestaze fara fahakeliny 30 minitra isanandro aho ato antranoko (Ampefiloha) fa tsy mimenomenona aho satria olombelona sy Malagasy mi-

tovy amin'ny rehetra. Fa anio kosa mba anniversaire ny zana-ko mba fangatahany hanao fety ato an-trano miaraka amin'ireo zaza mitovy taona aminy. tamin'ny 3 ora ora fanombohany fety ka hatramizao ora hanoratako izao tapaka ny jiro na mba nandihy tsy nataon'ireo ankizy ireo ary naka sary tato anaty maizina izahay. mila mody ireo zaza rehetra nasaina nifety ireo satria tonga ny lera izany no mba souvenir nentin'ny zanako na ny gateau aza tanaty maizina. mankahery sahadry ireo marary mila heri-

nanratra, ireo mitady mila herinaratra. fa tadidio ry jirama fa mivelona ambony alahelombahoaka ianareo. olombelona toa an'ny olon-drehetra aho mba malahelo satria andro iray toa zato ho an'ilaymenaky ny aiko anio... 2h30 hatreto ny delestaze omenareo anay... tandremo fotsiny ny sarombilany rehefa haneno... fa tsy vahoaka voahozona koa izahay. ambava homana ... ampo mieritreritra," hoy ny fanambaran'ity mpanakanto ity.

*Ally*